



UNIVERSITÄTS-
BIBLIOTHEK
PADERBORN

Universitätsbibliothek Paderborn

Iacobi Philippi Tomasini Sancti Georgij ab Alga Venetiarum Canonici Secularis De Donariis ac Tabellis Votivis Liber Singularis

Tomasini, Giacomo Filippo

Vtini, 1639

XXXIX. Vota Temeraria, & locosa.

urn:nbn:de:hbz:466:1-13253

Præter hæc Vota Immania, quæ cum sanguinis effusione fiebant, memorat & Vota nefaria Cicero pro Cluentio: *Quin etiam nocturna sacrificia quæ putant occultiora esse sceleratasq; preces, & nefaria Vota cognouimus.*

CAPVT XXXIX.

VOTATEMERARIA, & Iocosa.

Tolerabilior apud antiquos occurrit error eorum qui præcipiti animo sine rationis consilio nescio quem sibi fixerunt numinis cultum ineptijs plenum. Inter quos primus merito Idomeneus Cretensium Rex, cum naufragus ex voto filium sibi obuiam factum immolare Dijs vellet, illumq; perditum iret, à Cretensibus pulsus & patria eiectus fuit. De simili Agamemnonis Voto, qui Iphigeniam sibi natam Dianæ immolauerat, verè Tullius Officiorum I. I. Promissum potiùs haud faciendum, quàm tam tetrum facinus admittendum fuit. Tale fuit Votum Iephtæ Iudicum Cap. xi. quo vouerat se immolaturum quodcumq; reuertenti occurreret de domo eius. Quo nihil inferius est adhuc eorum institutum, quorum hæc verba in Actis Apostolorum Cap. xxiii. *Deuotione deuouemus nos ipsos nihil gustaturos, donec occidamus Paulum.* Diris nempe se deuouentes in necem Pauli Anathematis instar à Deo se deleri cupiebant, & fame interituros, nisi ipsum conficerent. Ferunt etiam Aratum Sicyonium, ne bello vinceretur, centena hominum capita se immolaturum vouisse.

Egregia est Pauli apud Festum obseruatio, qui ait: *Ver sacrum vouendi mos fuit. Magnis enim periculis aduerti vouebant, quacumq; proximo vere nata essent apud se animalia immolaturus. Sed cum crudele videretur pueros ac puellas innocentes interficere, perditos in adulta ætate velabant, atque ita extra fines suos exigebant.* qui Vernæ dicebantur, quemadmodum notauit Alexander ab Alexand.

Lib.

Lib. 111. Cap. XXI. Dierum Genialium . Id tamen nisi fieret auctoritate Collegij Pontificum, non votum, sed inconsulta pollicitatio censebatur. Livijs 111. Dec. Lib. 11. & 14.

Nec sanioris animi fuisse videntur Locrenses, quos refert Iustinus bello pressos vouisse suas se filias festo Veneris prostitutos, si victores forent: aut Persæ qui se viuos homines defossuros vouebât. Quare Ametris Xerxis vxor, ut gratiam Dijs referret, quod in vita diu processerat, defossis sub terram viuis quatuordecim illustrium Persarum liberis Votum persoluisse dicitur; sicut è diuerso, & magis ad humanæ naturæ & Regiæ conditionem narratur ab Herodoto Lib. 11. Laodicem vxorem Amasis Ægyptiorum Regis, cum maritus cum ea concumbere non posset, licet ipse cum alijs commercium haberet, vouisse se Veneri, si sequenti nocte secum consuesceret Amasis, se statuam illi Cyrenas missuram, conceptoq; voto maritum perquam variè eam dilexisse, quam Statuam ad suam usque memoriam incolumem fuisse testis est Herodotus in fine eiusdem Libri, ubi subdit: *Cyrenas Statuam Minerue Amasis misit inauratam & sui imaginem pictura adumbratam: Lindum autem duo lapidea Minerue simulacra, & thoracem lineum spectaculo dignum. Samum verò Iunoni bifarias sui imagines, quas magno in templo post ianuam erectas ad suam usque ætatem memorat idem.*

Ad Temeraria Vota etiam obscœna accedunt, quæ Veteres peregisse patet ex Prudentio de Ro: martirio:

———— metenda deducat genitalia

Numen reciso mitigans ab inguine.

Silendum minimè Neronis Votum apud Suetonium in illius vita Cap. 54. quo scilicet sub exitu viæ palam vouit, si sibi incolumis status peruaneret, prodicendum se parta victoria Ludis, etiam hydraculam & Choraulam, & utricularium, ac nouissimo die histrionem, saltaturumq; Virgilij Turnum. Iniquum magis quam pium Cypseli Corinthij Votum, qui Ioui, modò ciuitate potiretur, quæ Corinthiorum essent, omnia se oblaturum promisit, ut scribit Aristoteles in Oeconomicis. Lepidum est auctarij loco Catulli

inuentum Carm. xxvi l. qui puellam finxit Annales Volufij Tardipedi Deo iocosè vouiffe.

Quid verò magis ridiculum, quàm Ignauos etiam patrocini-
nium quæfiuiffe à Murcia pigritiæ Dea, quæ à Murcis, idest
truncatis pollicibus bello ineptis nomen accepit? Erat autem
Vallis Murcia Romæ, ubi forfitan Ignauis, & defidiofis sua do-
na offerebant. Fuit etiam Murcia secundum aliquos, Dea
amoris, nec ineptè; nam ignauis & marcidis, dum à Musis lon-
gè sunt, spurcitijs & libidinibus vacant.

CAPVT XL.

VOTA SCELERATA.

T Vrpi demum exemplo sacris adhibita ingenij licentia
in scelus conuerfa etiam criminis immunitatem ac tu-
telam apud Deos quæsiuit. Nam & Fures LAVERNÆ
Deæ sua Vota fiebant, ut instituta sua furandi ac
mentiendi fortunaret. Plaut. Cornicul.

Mibi Lauerna in furtis celebrastis manus.

Et Horatius:

Pulera Lauerna da mihi fallere.

Acron & Porphyrius in Horatium Lib. i. Epist. xvi l. & No-
nius Marcellus in voce Lauerna, Festusq; Pōpeius hic ad eun-
di. Erat autem Deæ imago caput sine reliquo corpore. Huius
Deæ lucus erat Romæ obscurus & abditus, ubi Fures prædam
diuidebant. Nec leuiori probitatis iniuria etiam Ara Fraudi ibi-
dem erecta. De qua nolo plura, cum nefas sit crimen religio-
ne obuelasse.

CAPVT XLI.

DONARIA MVLTATITIA.

Indignitatis certè huius mentionem intermisiffem, nisi vi-
gilantia magistratus detecta eiusmodi morum turpitudò
se-